

故宮
珍
集

宮
本
刊

廣東府州縣志

共二十三冊
第三冊



故宮博物院編

海南出版社

故宮珍本叢刊第 168 冊廣東府州縣志第 3 冊(共 23 冊)

故宮博物院編

番禺縣志

海南出版社



圖書在版編目(CIP)數據

故宮珍本叢刊.第168冊,地理.都會郡縣.廣東,[乾隆]番禺縣志/故宮博物院編.-影印本.
-海口:海南出版社,2001.4

ISBN 7-80645-980-4

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06852 號

故宮珍本叢刊第 168 冊
廣東府州縣志第 3 冊(共 23 冊)
[乾隆]番禺縣志

故宮博物院編
責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:36.75 印數:1-400 冊

ISBN 7-80645-980-4/Z·61

定價:5000 元(廣東府州縣志 52 種共 23 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

老為政首重志書考周禮邦國之

志掌於小史四方之志掌於外史而
小行人以籍治其國是豈漫為記註
哉良以使守土者考文徵獻緣其已
往迹於方來變通宜民因勢而利導
之則志書之作固為治之權輿而措
置之金鑑也予奉

番禺縣志

命司牧粵東者有年矣茲荷 憲德委攝

廣州郡守兼權觀察使者事行人之
職斯在其為圖籍安可弗脩而郡治
古番禺書番禺而一郡一路之書總
視此則修番禺志尤不容緩更念廣
郡屬邑邇來均修有志獨番禺自康
熙丙寅脩後迨今垂百年且自前明

凡化以下人物傳志闕如及今蒐討

尚可存什之五六若遲而又久其放
失益甚凡建置之沿革利弊之興除
官師之賢否人才之升降總無所考
据詎非守土者之責歟視事之初會
署令任君常君先後據邑紳呈詳即
轉請之 臺府俱報可顧守令等均

番禺縣志

二

簿領糾紛僅能舉其凡例未遑手自
輯編是時江左進士檀君萃豫章文
學鄒君楫相皆客余所知其博雅端
謹屬與邑賢凌莊崔簡李蔡諸君同
事纂採焉開局閱五月而書成為卷
若干分二十餘門缺者補記者正一
切治地居民創置興革分載於諸門

類者體本周官典徵史載至於表章
人物凡國史稗乘以及諸家文集俱
搜采不遺餘力使忠孝節義幽貞隱
曜振發其光燄引星辰而並日月上
以副

朝廷甄叙名碩風勵末俗之盛心下以俾

井里雋能稽考邦書得有所感發師

番禺縣志

三

倣以登於賢人君子之列則是敷宣

聖主德意倡樹風聲俱在此書所係至崇

閎也今

國家太平極盛疆寓無外文治所漸被

遍洽遐陬前者大徵天下郡國志書

纂修

大清一統志現在四庫全書復

詔開館亦徵天下郡國書籍而茲志遠成

百餘年曠典一旦臚舉司土者覽之
既有以知政教源流且足脩纂閣之
採擇將來同省郡各志歸諸小外史
之掌其揚休者寧猶淺眇耶予故樂
為弁其端云

乾隆三十九年歲在甲午四月望日

番禺縣志

四

鄉貢進士

誥授奉政大夫廣東羅定州直隸知州護
理通省糧驛道印務署廣州府知府
事加三級閭陽李天培譔



番禺縣志序

今天子聖神上繼唐虞三代之治文化日
隆惟三十八年大修天下圖籍海隅
率俾揆教所底際四極之外罔不耀
於光明揚越距齊州以南戴日為丹
穴其宅火維其星朱鳥其禽鳳其人
智古所謂君子之國當

番禺縣志

五

盛朝重熙累洽覃恩南服而時以宿望重
臣作鎮茲土宏宣德意闡澤旁敷枕
椰荔子之墟絃歌塞耳猗與休哉操
刀者坐享厥成何其幸也番禺居南
海都會殷盛繁富為額外名區任囂
所稱步隲所嘆其來已久予以笨伯
適攝邑符自惟兩至南方 各憲不

以予才鈍承乏大邑夙夜兢兢圖所

以稱塞用是證今稽古蒐外史氏之

書籍所發明以資治體先是邑有舊

志經今垂百載尚未釐修會承

明詔哀輯越國先賢遺書竊維邦邑之典

久委闕如何以仰副

國家右文至意且今後之蒞政者無所

番禺縣志

六

考據蔑以因故蹟而懋新猷其負

上臺勗勉羣吏慎省風土之訓誨滋

大內念茲役不可後適邑士大夫凌

君等以續脩縣志請因為上其事於

臺即報可是後也予始其事而接政

常君終之越數月而告成刪繁補缺

蔚為完書一邑之政典頗脩斯豈予

與常君及共事諸人力要皆 上憲之教也邑人士請予序因述續纂之顛末如此且嘉諸君幸際

太平至治之時相與導揚盛美使鄉邦遺軼盡採撫之無遺上以昭我

朝百餘年來煦嫗涵育之深雖絕遠州鄉多士無不興起下以見此邑之儒

番禺縣志

七

先倡率能培風俗之原故比戶可封若茲其盛披卷三復不勝懽忭於無既云

乾隆三十九年歲次甲午二月前署

番禺縣事今署高明縣知縣任果

撰



自秦尉屠睢以十萬卒軍番禺之都不解甲弛弩與越人戰者三年龍川令趙佗因踵任尉起遂迺稱南武王都番禺矣於是淮南王安者懲樓船卒擊南海王之故猥以越人大率處谿谷多水險無城郭不可地圖察意并棄之而漢志特以番禺為一都

番禺縣志

八

會犀象珠璣銀銅果布之湊富於中國蓋班志後出詳核即史記不逮多矣予因以歎史志先後綴輯之難也我

國家休養生息百有餘年寰宇承平海隅日出罔不率俾廣郡隆乎東粵而番禺貳於南海仁氣之陶百城風化

之傳四隲矧在首邑尤稱切近以故
舒暢和樂殷繁富庶俗敦古處士裕
良材其視我

朝撫馭之初明季兵燹之後者大不侔
矣夫總方畧壹統類廣教化美風俗
與我共此者良二千石也邑令第得
身承文告簿書期會間無大過失幸

番禺縣志

九

矣其脩廢舉隆興凡舉一事而動關
一邑者亦有與焉則邑志一書所宜
備簡先是廣南地志如王範之交廣
春秋裴淵顧微之廣州記鄭洪之番
禺雜記馮拯之番禺紀異王德連之
番禺記今皆亡之今邑志之存者則
自康熙丙寅修輯以後殆將百年前

任任君始因邑人之請上其事於

列憲會報可余適蒞茲土雖踵事非

才而竊幸 郡伯閭陽李公固已庀

志局且任材擇能一一不爽也且夫

綜理繁劇材至窘也網羅散失事至

鉅也不唯不敢亦不暇顧衆賢就職

我觀厥成豈不甚快今脩志竣事凡

番禺縣志

十

八閱月為卷二十為類二十有六舉
凡舊志星紀地輿人物禮樂刑政之
制缺者補之譌者正之贍而不雜典
而能實其諸孟堅以下著述者之意
乎夫宋明以來邑乘多矣新安安邱
朝邑關中諸志其可稱述者也是書
其諸志之後勁乎吾觀漢初得秦藏

諸侯所獻地圖紀籍是以具知天下
戶口阨塞之處蓋圖籍自古不可廢
也則是書也其將以紀生民之利病
觀古今之成敗以警黷夫守土者仁
愛斯民之心而不可以詐力相使焉
則所係固甚大也私乘云爾哉抑是
役也江左檀君萃豫章鄒君楫相及

番禺縣志

十一

邑賢凌君魚簡君榮莊君有豫崔君
銀士寔董其事余得弁言簡端遂備
書之

乾隆三十九年歲在甲午六月穀旦
特調廣州府南海縣知縣署番禺縣事燕

山常德撰



萬歷壬子舊序

明鄭陞邑令同安人

余治責浹歲技百殫矣而寡一效茫然討故實步武之無
有也廼諮諸文學君圖纂輯焉有客陋余是行者不歸饒
而果腹於塗飯也夫志談何容易括道法總天人證古品
今家良錢楮於是乎在稽不逃核不詳不美不傳因且不
創而况無因乎且吾見子之勤責也手拇毛脉之間汗猶
血矣局內未給而能張膽局外乎余嗒然無以應還問同
年太史氏史氏否渠烏知治體治有采名而培實張閱
而垂永者文獻是也杞宋有徵夏商不墜嶺以南屬邑七
十四而黃禺歸然居首名山大川若白雲珠江之勝則君
番禺縣志卷之一舊志序
有也不改如故其方域廣輪之數戶役兵賦之雄衣冠文
物之華代興革焉至忠孝之芳賢良之蹟著作之林世而
歇也湮滅多矣數千年來無特志誰是先資者謂望邑何
何守土之爲也且子之治責也枯髯嘔肝以釐庶理當道
憫而勸薦紳習而懃諸父老諒而無他興雖不頌靡亦不
謗討論修飾今固東里爲命時也山川有靈實式待之不
朽盛事而猶以客言讓未遑乎謂纂修難則山斗者碩之
彥具在可堅任之余受唯唯於是介幣敦禮祿卿王公太
守高公明府龐公偕太史氏執牛耳焉而請孝廉區君蕭
君翼其事乃檄六都父老條上隱顯屬茂才陳生辰李生

給科彙輯之而二生胥傾其八斗五庫之藏悉率以供犄

角之用不遺力也以壬子春正月屬草越秋而卒業上下

古今掣然大備精核而簡當名實雙美久大兼該余不佞

商榷其間得藉手成數千年無因曠典以不遺守土羞如

太史言客始輒然笑汗血劬吏信張於膽而果於腹也蓋

余嘗按往牒見戴星者與不下堂爭道而理以爲兩謾堂

下堂上百里千里安所得周情僞耀與渫一意卧理不事

事也然亦何用逐星走月猾猾不休歇自勞苦爲迺今知

之蝟集如錯牛解無庖戴星且不給有師事有父兄事執

贊而請避舍而訟即不出戶庭萬里也余之治責也一年

番禺縣志

卷之一

舊志序

二

而鰓鰓民且角距再年而瞿瞿民且齒齟自謁諸薦紳先生乞言後討籍問路頗不憤憤鐫革令焉而商愜督課令焉而士華保甲令焉而戶席帖鄉約令焉而巷轅夾卽此錯象便欲繩結目不下堂幾無全禺矣迴視曩者披戴不綦拙乎此皆前人已試之明效得諸先生提命乃了此厚藉多矣然余之有志未逮者實多噫此禺志之修也幸諸先生卒教之而匡余不逮庶幾以完吾局也而客謂余修局外乎太史氏首肯因與祿卿諸公力襄之稿成各有名言序之不朽而不佞墜業與其事敬捐俸若干緡付嗣氏而併彙諸問答以附簡端

序二

明 王學曾 南海進士
光祿丞

史乘之昉肇自典墳禹貢著於平成周官列於耆定何斤斤也韓愈有言願借圖經將入界則辨俗諗方昔賢不廢緬惟吾粵義叔宅南召公疆理部石巡行四瀆居一卽號炎徼荒服而禮讓之風藹然封建撤而郡縣定於是番禺都會巍然首冠諸邑爰及我明治洽邨隆人還大雅斌斌盛矣迺邑志則二百餘年闕然靡舉彰瘡之謂何萬歷已酉龍嶼鄭侯以名進士來蒞勸民造士解懸壺槁興利除害不一而足而獨於轉移化導爲先申明六諭使家諭戶曉膚淪而髓浹已乃按牒索志茫然無有也悵然久之謂番禺縣志

卷之一

舊志序

三

所以求民瘼維世風者舍此安據越明年政通人和介幣過余敝廬而委以筆札之役余棄謫林麓抱疴鄉閭久荒筆硯安敢效顰斧藻固謝而侯請益力乃與黃太史高太守麗明府參酌櫛撫蒐聞舉知命李陳二茂才次第編葺之而受成於鄭侯夫志所以誌不朽也文章者不朽之盛事立德立言立功挽維風俗扶正人心使還醇就樸趨向慕義故有耻且格遷善而不知其王道之極乎今觀侯百政具舉而於彰往詔來者獨三致意焉則侯之所存者神矣夫山川疆域風土固不殊也迺閭閻驛驛物力凋耗者何故則司土者宜惻然而思聲名文物彪炳固未艾也乃

積習成玩寢假成恬則砥柱者宜凜然而懼嗣茲以往三代之直柄如日星勿浮慕其名而聽其實勿徒論其世而省厥躬則化成俗美上希醇龐步武垂休繩繩奕奕固侯今日惓惓雅意否則方策雖存祇爲文具夫仁人用心不爲一時計而爲萬世計則必託諸不朽以法今傳後而其心始慰今而後侯仁人之心其稍慰乎持此治天下六合以內世世頌侯功德不衰矧最爾一番庚桑畏壘且瞠乎後矣是役也余不佞與二三君實盟諸心各據所見以其成之若知我罪我則聽之矣是爲序

序三

明

黃儒炳
順德翰林侍郎

番禺縣志

卷之一

舊志序

四

古者外史掌書外令掌四方之志其後國自爲乘爰有百國春秋之目今所傳者八國語十一國策諸書若左傳之與國語又一書而內外互傳耳封建變爲郡邑迺其紀載之牒不曰語曰策而名之以志庶幾成周之制大一統也番禺爲嶺表首邑隸於廣郡而志獨缺前此如馮拯紀異黃潛客語豈無一二足備稗史之採然竝摠漫不傳余同年同安鄭公以名進士來侯茲土問邑志曰無之慨然以此爲憾迺敦請光祿王公前袁太守正甫高公英山令少襄龐公董其事而以纂修屬之孝廉區君肅君茂才陳君李君是役也同事者非會藁不至局惟高公及陳李二君

番禺縣志

卷之一

舊志序

五

屹屹局中蒐羅最勤而一切體裁損益皆侯手爲更定云夫邑必有志是曰史翼番禺以二山名莫於秦尉委於鬼工匪今斯今卽我明吏治蒸蒸而竟以揮鈴奮墨相遜豈繫志之難所由任其事者難也邑當都會今日馳謁請事歸則攢眉而治簿書尙何暇他及設勉使士大夫從事輒以衆所指目何敢強知人事爲解嗟乎天下極鉅且急之事乃爲人所不暇任不肯任之事乎嚮者侯嘗過余言不習爲吏視已成事今下車而故實無所咨成事之謂何履句履者知地形今幸起士人爲吏何至四履內茫茫莫辨又此中多衣冠族碩輔通德皆項相望宦蹟自元長氏而下稱循良者若而人其僑寓槩多名流而幽微靡稽激揚之義蔑如矣至於風俗之時淳時漓賦役之時繁時簡文事武備之時弛時修非著之掌故何以使因革利病確然畫一而爲後事之師余聞其論輒加慙慙謂侯能任所不暇任不肯任之事顧所起草爲數百年闕典未審究竟何如耳迺今閱其所爲十志者發凡舉例井井如也且核其事而義載筆著令遂爲一邑完書或疑古之良史其用力比之累歲積紀今甫數月而告竣似過驟噫唐祕監劉子元云乎人苟衰而家政駿則閣筆含毫相視不敢斷故首上可期汗青無日往事因仍患政坐此今是編

文獻足徵於事爲鼎創於法爲櫟括後有作者料不能更有加於潤色之外何言驟乎書既脫稿侯強余以商確之任而徵余言爲序遂不辭而弁其端若此

序四

明高爲表邑進士袁州知府

溫陵鄭公宰番邑之二年康民阜物百廢具修以番爲鉅邑而志乘獨闕喟然久之因奏記兩臺藩臬守郡敦聘薦紳賢良文學鼎修曠典余不佞解組南歸負苞靡取身既隱矣焉用文之辱公雅意至再遂拜羔雁之及迺得電勉從事夫志紀載之書郡志畧而邑志詳體固然耳今杞宋有徵夏商之禮胡不足之是虞故邑詎可無志番雖附會

番禺縣志

卷之一

舊志序

六

省之邑乎蓋古侯國也禮樂刑政錢穀兵甲戶口貢賦均此焉出惟是邑中簿領期會旁午不遑遑遑狂風習以爲有郡掌故在會未圖及於是者我公毅然狎主齊盟與薦紳賢良文學窮探博採芟穢翦蕪或錄舊聞或收新見纒纒千萬言匪抱閎裕之才踔異之識惡能以經術飭吏治而殫心於紀載也者昔公孫僑相鄭國事叢脞而一切詞令藉之潤色鄭監門在朱蒿目時艱而圖續流民青苗罷法公方下車適島寇烽烟元冥早魃相繼爲祟公順治威嚴調停週賑不遺餘力抑亦監門世胄哉否胡軫恤乃爾至邑乘之修手自竄定沿革予奪褒貶是嚴布令著規足

爲後事師率卽鄭國僑又何以遜固知才有兼全故文章

經濟較二公不翅逾矣况標奇評藝延接青衿問俗觀風

蔚爲歌詠公餘及此其政可知往歲南邑平湖劉公纂修

邑志十五城視爲嚆矢番與南二邑雄峙公踵美以成是

書一時方策實萬世文獻所資鴻模鉅範不至泯沒無所

見厥功甚宏寧直藻裁之麗而已表不佞濫竽是役其割

榮何可勝道脫草日公以同事者宜有言授不佞簡自惟

薦紳二三公皆南順耆碩才德俱長不以不腆敝邑儼然

臨之是識大之賢也不佞忝邑人借光東壁已溢分涯謬

從薦紳後識其小者何敢以康瓠與商鼎竝肆而列乎其

番禺縣志

卷之一

舊志序

七

爲顏滋厚聊綴數語于末少塞明命以附紹續云

康熙癸丑序

國朝王之麟邑令西充人

我國家混一區夏垂三十年薄海歸仁遐陬向化於是

始命直省儒臣輯修宇內通志之麟適捧檄南交製錦

下邑躬逢斯舉不禁引手加額曰猗與休哉甚盛事也攷

志之肇端始自禹貢而周禮則掌於職方上紀國獻下闢

民瘼非裨官野乘之比攷之左史倚相素讀八索九邱是

故能道訓典敘百物而漢蕭何入關先收內府圖籍史臣

以爲開國第一功則夫會典者朝廷之掌故而通志者郡

邑之文獻也二書相爲表裏體國經野胥備於是學者卽

淹經洽史乃於二書不講貫而曉暢之猶之爲隅曲之學
 弁固之儒也已矧夫居是官履是地而不取志之所載虛
 心究之因以爲法戒損益調劑斟酌猶未易幾善治而稱
 循吏也番禺在粵東爲劇邑而樗材適承乏於此兢兢然
 欲一考夫山川之阨塞田土之坊庸乃詢之輿人而多有
 舛駁也欲知夫吏弊之端末風俗之流漸乃訪之耆宿而
 尚多遁情也欲知夫建置沿革之故與後先碩詰師表程
 式之資乃訊之薦紳人士而猶懷樛昧也取舊志而闕之
 蓋自前明壬子至今甲子已週矣鼎革以後治忽異時文
 質異尚寬猛異施舊志所載合者十三乖者十七焉久欲
 修輯而力有未暇也茲者會典既已頒行而志書又復修

番禺縣志

卷之一

舊志序

八

舉光揚文治嘉惠來彥一事而數善備焉敢不勉竭駑庸
 以仰體功令耶是役也適邑紳廣文潘君謀元讀書南園
 三忠祠於是屬之招延二三名碩若儀部屈公士燦中秘
 王公鳴雷明經黎君彭祖諸君子時爲之蒐葺編綴而俾
 余揚推商定凡四閱月而書成計爲目數十有奇爲卷十
 有二合舊乘煥而新之至是而前壬子至今六十年之文
 獻不至湮淪典故不至散逸此亦執掌牛馬中一重公案
 也至若集千腋以成裘滙百川而歸海通志大成則有當
 路諸鉅公在不過藉手以志今日同文之盛云爾

康熙辛酉序

李文浩

邑令

番禺縣志

卷之一

舊志序

九

盛衰係諸人地故國史與輿志相表裏然志其地亟而志
 番邑爲更亟何也自堯命羲叔宅南交止斯地爲星紀之
 首服風氣至斯始大定三代遞淪化外逮秦設東南一尉
 遂據茲土當其設五軍以一軍守番禺之都亦知東南所
 重在是矣而趙佗之言曰番禺負土阻險南北東西數千
 里歷代取其名冠郡後復析以命邑或謂邑有番山禺山
 但應名此邑二山特小而堪輿家言衆山俱高以小爲主
 則可卜全粵風氣所聚是殆不然也二山始未嘗小特爲
 僞漢劉氏所剗削然大地南絡實由此結而嶺水會流南
 溟環限其外從來奸雄所通都風氣詭雜難治又形勝甲
 粵爰取以冠郡至隋開皇十年析置番南二邑迄今無以
 易者循名稽實端始茲邑耳然則名之分合如斯又曷稽
 其地與人與事哉雖然斯地爲中原殿最而文獻亦然常
 考九州盡於荆揚荆揚盡於茲邑邑先隸揚復隸荆春秋
 推荆楚倚相能讀三墳九邱九邱言九州三墳惟山氣形
 所言官師民物陰陽曰連山是爲山墳其言生動長育刑
 殺之象曰歸藏是爲氣墳至若天地山川雲氣所聚爲坤
 乾爲形墳夫乾南日道動育負陽莫如番禺之鄉誌番得
 如其墳已足況言墳代不乏人而古無番志寧獨無人良

由氣運未開歟否則明季鄭令陞不曾創爲之哉然而與
 漢末周不數十年而邱移墳變運衰言靡無足怪第怪王
 令之麟當癸丑今上搜羅輿籍輯修通志之年文獻倍
 古氣運大昌已集邑紳蒐輯成編邇邇黔滇變叛海氛波
 揚蝌蚪漂零門閭莫釐沿流今日幸逢上元運關悉拓海
 表化外之區詔進薄海輿圖用哀大統之盛斯時番邑
 之面陽內徙者萬千口皆得復其廬舍桑田使龍尾蝦高
 威成簇錦柑岡羅輻輳祥烟繪圖賞心聯吟入勝遂偕
 楚才邑望踴躍輯乘慨自鄭令謀始於壬子至王令繼述
 之年正當一週又自王令癸丑迄今倏逾一紀則志之當

番禺縣志

卷之一

舊志序

十

出固自有時况遇廷簡第一流來宅南交祀南滇惟番
 邑爲南海廣利王所都與赤標怒長勳一統之盛非如漢
 遣王褒止爲金馬碧雞也而值下令邑志告成與昌運相
 符因集其山氣形墳所由備荆揚末路所底定粵東險阻
 所由又安寧質母俚寧辨母華寧簡毋鑿敬將以一禺風
 氣之備奉券中天堯日敷奏萬年太平宜若斯編者

康熙丙寅舊序

孔興璉邑令曲
 阜人

番禺古秦縣也襟帶山海隸於廣郡視政省會頗稱煩劇
 三十餘年軍馬蹂躪四郊多壘茲幸張皇天討海宇廓
 清正兆民出湯火而登衽席之日也客歲各憲鞏固計謨

綢繆碩畫議立花縣入告九重欽承俞旨於是析番
 邑之五堡居民稅畝分治於花邑使山澤無伏莽之窟閭
 閻樂昇平之業法至善也昌黎所謂慮於民也深則謀治
 也精故觀賢哲之爲民捍患興利必使疆界井然而使黎
 庶各自爲守居宇枝寧非大具經濟者亦烏能出此耶顧
 念聖天子聲靈遐暢山海效靈混一八荒車書萬國特
 徵十五省方書用志一統禹雖百里亦一疆域也邑乘之
 作其敢少緩乎前縣纂輯未成類皆散帙因與僉憲彭艾
 菴先生暨諸賢士大夫廣爲蒐羅凡閩之有係於史氏所
 必考者具載如山川人文之標映忠孝文章之嶽峙水陸
 番禺縣志

卷之一

舊志序

十一

道里之遠近稅戶物產之臚列展卷昭然庶幾備采風者
 之寓目焉爾是爲序

番禺縣志緣起

聯請任邑侯修志呈

乾隆三十八年六月

凌魚

爲聯請修志以光邑乘事竊惟觀民好惡太史首重陳詩
察俗淳淳澡賢牧不忘數典故土訓誦訓備著於職方九山
九川具詳乎禹貢收秦書而知戶口計定鄼侯因魯紀以
作春秋義嚴闕里後賢繼作爰開金匱石室之藏良史代
興不廢齊諸燕說之載惟一邦之替隆攸繫斯百里之文
獻宜徵瞻我番禺夙稱都會女牛分野扶輿遙隸揚州羊
石啟疆繡壤近連澤國東城建治楚庭肇自任囂南越稱
臣漢朔頒從趙尉溯循良於舊尹澠湖不少甘棠考靈秀
於前民幽谷時生瑞草顧水鱗山醫振古如斯而物換星
移經今幾度歎鄭洪雜記早罹脉望之災訪馮拯異聞未
見棗梨之壽自先明萬歷壬子之歲溫陵鄭令迺始成編
至我朝康熙癸丑之年西蜀王侯因而踵事續增於辛
酉無與體裁重輯於丙寅亦多遺漏風流歇絕曠舉幾及
百齡版籍模糊蠹簡迄無全帙其間官師臧否未緣詢厥
老成人物升沉不免坐歸淪逸忠臣義士曾無竹帛之登考
子順孫弗獲姓名之列至於荒墟耆舊空付傳聞委巷清
貞莫揚芳烈事蹟有關乎風教表章應藉乎邑侯倘再緩
於搜羅慮越難於採綴幸遇我侯臨莅胷涵明鏡手握陽

番禺縣志

卷之一

緣起

一

春噓黍谷之溫民安於野起武城之化士誦於庠固已沛

澤於窮簷彌復留心於掌故作岳珂之程史亟賴此時著
陸賈之新書殷如望歲第恐公餘靡暇尤需襄事得人則
有安徽名進士曾任青溪知縣檀萃者現在僑居粵地堪
任纂修并招治屬賢流分行蒐討上通詳於列憲下徧示
乎斯民俾殘碑斷碣之文勿致長埋於豐草卽烹葵茹藿
之彥亦得沾潤於金壺細大不捐幽潛畢錄庶幾九十年
之缺典煥若重光將見閩四境之蒼黎咸知觀法則垂芳
型於奕禩共蒲澗以流聲成大業於千秋與禺山而並峙
矣

番禺縣志

卷之一

緣起

二

再呈

爲遵議修志事宜懇賜核詳事緣志書爲一方信史所以
紀往代示將來厥典綦重竊見我邑志自康熙丙寅修輯
閱今八十九年凡吏治之沿革學校之廢興城郭兵防之
建置與夫名宦鄉賢選舉節義風俗災祥等事都無紀載
可稽及今弗修恐遲之又久考殘碑則沒字詢故老則難
言文獻無徵益艱蒐採第事體重大非人莫行幸遇我侯
以江左名賢作吾番禺司牧日勤聽斷既洽輿情加禮文人
尤培士氣魚等私居額慶以爲百年缺典必能興舉於此
時爰於六月廿八日以重修志事爲請蒙批禺山邑志纂

輯年湮紳士志切董修本縣樂爲襄事惟一應章程以及所需膏火各紳士其查照從前規例妥議另呈以憑詳請憲示辦理足見我侯振起斯文不忘矜慎至意魚等讀批感激隨集衆紳謬議數條呈閱伏懇察核賜以鉅裁詳請列憲示諭鄉城俾耆耆譽髦知修輯有期懽忻踴躍樹甘棠於此日成盛事於千秋感佩益無既矣

一纂修議延江南進士檀萃

一協修議公舉宿望紳士數人

一膏火刻費束修等項議設簿簽題如或未敷則本邑現存公費數千兩存貯藩庫紳士具呈詳請給領

番禺縣志

卷之一 緣起

三

一考據必本鑑史一統志省志府志南海志本邑舊志旁參諸家記載制度一遵 大清會典賦役全書及節年

文案

一志以紀政治驗風土表宦賢彰節烈故列傳人物二項尤關文獻乾隆廿三年新修府志疎畧殊甚於我邑闕漏尤多即現存科目亦失登載又舊邑志脩於戎馬甫寧之日紀傳寥寥未爲完備況今閱年九十稽訪益難議專人分查鄉里及按學冊并禮房卷宗比對以防遺佚冒混

一行誼功蹟紀傳詩文議必先送志局詳看後轉送縣署

釁定可否方許入志以杜請託賄囑等弊

一宦賢節孝舊志所載不敢稍易新增者非奉 題允不得入祀其有前任循聲窮簷苦節嘖嘖在人不容泯沒者亦議據事立傳以俟公評

一志乘乃古今紀載之詞且雍正八年奉 旨纂輯省志雖封疆大吏亦書官書名蓋上對 朝廷下昭來許非一人之私筆也今議仿照省例并擇諸生數人以備謄稿校字

奉批據議修志章程均屬妥協所稱本邑有公費數千金現存藩庫係何項公費查明原委以憑核詳憲示舉

番禺縣志

卷之一 緣起

四

行議單存

三呈

爲遵查本邑公項原委事緣本邑向有義田坐落市潮沙土名深湍田四頃八十畝係明季間生員梁士吉捐出爲通邑紳矜文會之費通年租銀四百八十兩後加租銀一十五兩每歲秋收納銀貯存學舍爲預備整葺文廟齋衙義學暨一切辦公之用後因教諭邱廷獻蕭坦訓導謝忠哲陳端綸後先互爭收貯紳士因議呈寄藩庫以杜學官侵銷每年留銀貳百兩爲學內生員週年月課完糧禮生膏火等項餘租貳百九十五兩批解故本學遇學宮衙署

祠宇朽壞等項均詳請動支修理業經二十餘年於茲矣乾隆三十三年重修義學建造文閣詳領一千二百兩承藩憲胡委府憲顧親臨估計止詳給工料銀四百兩魚等見費用不敷因行題助始克歲事今修輯志書爲本邑要務詳請寄項實屬以公辦公益此項銀兩止係本邑存貯公費不與別郡各邑之事亦並非庫項可比茲蒙批查令將原委呈明伏冀核詳請領租銀八百兩以爲束脩刊刻膏火等費并懇示諭鄉城俾咸知修志以期早日開局告成 奉批候核詳憲示辦理隨詳奉

撫部院批纂修志乘固屬美舉但所需公費議請設簿簽

番禺縣志

卷之一

緣起

五

題及動支庫貯租息銀兩是否可行仰布政司核議通

詳察奪仍候 督部堂批示繳又奉

督部堂批仰東布政司查詳奪仍候 撫部院批示繳

牌文

署番禺縣常 爲聯請修志等事乾隆三十八年九月二十日奉本府信牌轉奉布政司憲牌據該府詳覆番禺縣志纂輯以來歷年久遠模糊缺畧亟應重修所需各費應飭令隨便簽題不得藉公勒派如有不敷亦應如所請准其在於深滙學田租銀內領銀八百兩以便支應等由到司據此除如詳批發外爲查纂修志乘所以紀載疆圉表

彰名節其間因革去取考訂必求確切且賦役戶口增減添除纂註尤貴無訛方足以昭示來茲堪資參考是不特總理之人固需學問淵博筆削維嚴卽在局協修在外採訪者亦必公舉宿望紳士選擇勤慎生監以杜請託賄囑失實之弊今查該縣詳開條款內其纂修者已開載延請江南進士檀萃外至協修採訪各職司並無人名開報設使委任非人則或拘於臆見或涉以私情弊端滋起物議從生不可不詳慎選舉以襄厥事合再飭查備牌仰府照依事理速飭該縣確查公舉協修之人果否老成宿望其分頭採訪者是否勤慎公正開具姓名清冊並作何立定

番禺縣志

卷之一

緣起

六

章程互相稽察俾無遺漏傳疑一併妥議另詳察奪均毋違遲等因轉行到縣縣牒儒學飭令紳士議覆

條議修志章程

一修志宜列明欵項徧示鄉城也舊志本多荒畧今又缺修年久其間有族姓初盛而今式微有子孫喬野而忘祖父有不知修志爲何事與不知何事方能入志者須列明欵項俾衆咸知多遣採訪徧行村落並行四巡司細查申詳以免遺漏

一行蹟宜置簿登記也凡鄉城中迭到行蹟或紀傳或譜牒繁簡不一須設勤慎生監二人持簿專司登記以防